

“TASDIQLAYMAN”

**Nurota tumani hokimi Narkotik
moddalarni nazorat qilish mintaqaviy
komissiyasi raisi**



A.Fayziyev

“06” “02” 2025 yil

**Narkotik moddalarni nazorat qilish tuman hududiy
komissiyasining yig‘ilish
B A Y O N I**

2025 yil 6 fevral

Nurota tumani

Raislik qiluvchi:

- A.Fayziyev – tuman hokimi

Ishtirok etganlar:

**- Tuman mintaqaviy komissiya a‘zolari, tegishli
tuman muassasa, korxona va tashkilotlari
rahbarlari.**

K U N T A R T I B I:

**“Yoshlar orasida giyohvand vositalarning tarqatilishiga qarshi kurash oyligi”ni
tumanda yuqori saviyada tashkil etish chora-tadbirlari to‘g‘risida**

**(A.Fayziyev, Sh.Vafojev, U.Usmonov, B.Bobonazarov, I.Qodirov, M.Nazarov,
.....A.Fayziyev)**

Yig‘ilishda, tuman hokimligi huzuridagi narkotik moddalarni nazorat qilish hududiy komissiyasi raisi, huquqni muhofaza qiluvchi organlar, ta’lim muassasalari, tibbiyot birlashmasi va mahallalar bilan hamkorlikda narkotik moddalarning noqonuniy muomalasi va giyohvandlik bilan bog‘liq jinoyatchilik tarqalishining suratlari va qo‘lamini aniqlash, yoshlar orasida giyohvandlik jinoyatlarini oldini olishga qaratilgan profilaktika tadbirlarini samarali tashkil etish, aholi o‘rtasida tarqalishiga qarshi kurashish masalalari muhokama etildi.

Shuningdek, 2025 yil 1 fevraldan 1 martga qadar Respublikamizda “Yoshlar orasida giyohvand vositalarning tarqatilishiga qarshi kurash oyligi” deb e’lon qilinganligi va tumanda ushbu oylik doirasida amalga oshirilishi lozim bo‘lgan tadbirlarni yuqori saviyada

o'tkazish bo'yicha vazifalar belgilab olindi.

Kun tartibidagi masala yuzasidan yig'ilish ishtirokchilarining bildirgan fikr va mulohazalarni inobatga olib, yig'ilish,

Q A R O R Q I L A D I:

1. O'zbekiston Respublikasi Narkotik moddalarni nazorat qilish Davlat komissiyasining 2024 yil 1 fevraldan 1 martga qadar "Yoshlar orasida giyohvand vositalarning tarqatilishiga qarshi kurash oyligi"ni yuqori saviyada o'tkazish to'g'risidagi topshirig'i ijro uchun qabul qilinsin.

2. "Yoshlar orasida giyohvand vositalarning tarqatilishiga qarshi kurash oyligi" ni yuqori saviyada o'tkazish maqsadida quyidagilar:

Tomdi tumani hokimligi huzuridagi narkotik moddalarni nazorat qilish bo'yicha hududiy komissiyasining O'zbekiston Respublikasi "Yoshlarga oid davlat siyosati to'g'risida"gi Qonuni hamda Narkotik moddalarni nazorat qilish Davlat komissiyasining 2025 yil ish rejasining ijrosini ta'minlash maqsadida fevral oyida "Uyushmagan yoshlar hamda umumta'lim maktab o'quvchilari orasida giyohvand vositalarning tarqalishiga qarshi kurash" tezkor-profilaktik tadbirini o'tkazish bo'yicha chora tadbirlar rejasi 1- ilovaga muvofiq tasdiqlansin;

Tuman Maktabgacha va maktab ta'limi bo'limi tasarrufidagi ta'lim muassasalarida 2025 yilning fevral oyi davomida "Uyushmagan yoshlar hamda umumta'lim maktab o'quvchilari orasida giyohvand vositalari tarqalishiga qarshi kurash" mavzusida o'tkaziladigan tadbirlar rejasi 2-ilovaga muvofiq tasdiqlansin;

Giyohvandlikning zararli illatlari hamda "Yoshlar orasida giyohvand vositalari tarqalishiga qarshi kurash" oyligining mazmun-mohiyatini o'zida aks ettiruvchi bannerlar va ularni tumanda joylashtirish rejasi 3-ilovaga muvofiq tasdiqlansin.

3. Tuman hokimi o'rinbosari (Sh.Vafojev), Yoshlar ishlari agentligi tuman bo'limi (V.Qobilov), tuman Maktabgacha va maktab ta'limi bo'limi (B.Bobonazarov), Madaniyat bo'limi (A.Karimov), Tibbiyot birlashmasi (I.Qodirov), Ma'naviyat va ma'rifat markazi tuman bo'linmasi (V.Qobilov) hamda tumandagi aloqador korxona, muassasa, tashkilotlar bilan hamkorlikda:

yoshlar o'rtasida **"Biz giyohvandlikka qarshimiz"** shiori ostida chora-tadbirlar rejasi va dasturlarini ishlab chiqib, unda turli sport musobaqalari, uchrashuv, davra suhbatlari, muloqot kechalari, rasmlar ko'rik-tanlovlarni o'tkazishga alohida e'tibor qaratilsin;

narkotik moddalar kontrabandasi, ular bilan bog'liq bo'lgan huquqbuzarliklarni oldini olishga qaratilgan, xususan giyohvandlikni salbiy oqibatlari haqida ommabop buklet va boshqa tarqatma materiallarni tayyorlab ulardan oylik doirasidagi tadbirlarda foydalanilsin;

giyohvand moddalarsiz sog'lom turmush tarzini targ'ib qilish shiori ostida yoshlar o'rtasida sport musobaqalarini o'tkazish va g'oliblarni sovg'alar bilan taqdirlashni tashkil

qilinsin;

giyohvandlikning salbiy oqibatlari haqida axborot yoritilgan ommabop buklet va boshqa tarqatma materiallarni tayyorlash va oylik doirasidagi tadbirlar davomida tarqatish vazifalari topshirilsin.

4. Tuman hokimligi axbort xizmati rahbari-matbuot kotibi (L.Mansurov), tuman ma'naviyat va ma'rifat bo'linmasi (V.Qobilov) bilan birgalikda giyohvandlikning oldini olishga qaratilgan maxsus ijtimoiy roliklar, oylik doirasida narkotik moddalar bilan bog'liq muammolar aks ettirilgan "Ajalga eltuvchi yo'llar" va shu kabi mavzudagi tadbirlarni tashkil etilsin;

narkotik moddalarni noqonuniy aylanishiga qarshi kurash va giyohvandlikni oldini olish borasida o'z vakolatlari doirasida ko'rilayotgan choralar, oldinga qo'yilgan maqsadlar va kelgusidagi rejalarini yorituvchi materiallarni tumanning rasmiy saytiga joylashtirilsin;

giyohvandlikka qarshi kurash oyligi doirasidagi barcha tadbirlarni Tuman mahalliy va ommaviy axborot vositalari orqali keng yoritib borish topshirilsin.

5. Tuman Ma'naviyat va ma'rifat bo'linmasi (V.Qobilov) Xalqaro giyohvandlikka qarshi kurash kuniga bag'ishlangan ko'rgazmali ijtimoiy reklama mavzusidagi bannerlarni tayyorlash va tuman markazlariy yirik ko'chalari, shuningdek, tadbir o'tkazilishi rejalashtirilgan joylarga yaqin ko'chalarga joylashtirilishi tashkil etilsin.

6. Ma'naviyat va ma'rifat markazi tuman bo'linmasi (V.Qobilov), Yoshlar ishlari agentligi tuman bo'limi (U.Usmonov), tuman Ichki ishlar bo'limi (A.Rayxanov) bilan birgalikda giyohvandlikka qarshi mazmundagi stikerlarni ishlab chiqib jamoat transportlariga joylashtirilsin.

7. Mazkur yig'ilish bayoni qarorining bajarilishini nazorat qilish tuman hokimligi yoshlar siyosati, ijtimoiy rivojlantirish va ma'anaviy-ma'rifiy ishlar bo'yicha o'rinbosari Sh.Vafoyev zimmasiga yuklatilsin.

Bayonnomani rasmiylashtirdi



F.Sa'dullayev